



BOSNIJAKSKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

BILTEN

BR. 29

Informativne novine IZB u Švedskoj

FEBRUAR 2017

„Oni koji imanja svoja troše na Allahovom putu, liče na onoga koji posije zrno iz kojeg nikne sedam klasova i u svakom klasu stotinu zrna - a Allah će kome hoće dati i više. Allah je neizmjereno dobar i sve zna.“ (Kur'an, 2-261)



NE ZABORAVIMO SVOJ IDENTITET
PRUŽIMO SVOJOJ DJECI VIŠE OD IGRAČAKA



OČISTI SVOJ IMETAK
DAJI ZEKAT!
FARZ I TREĆI STUB ISLAMA

VAKUF - TRAJNO DOBRO

ISLAMSKA ZAJEDNICA BOŠNJAKA BORÅS
BOSNISK ISLAMSIKA FÖRSAMLINGEN BORÅS

VAKUF FOND

BG: 5051-0049  123 213 61 58



PG:185 71-0
SWISH 123 563 84 16



**Džemat
Borås**



**Džemat
Örebro**

SEKRETARIJAT
IZBUŠ

email: kontakt@izb.se
tel. 0520-49 90 64
mob.0763-10 2 447

Adresa:
BIS, Åkerssjövägen 10
461 53 Trollhättan
Radno vrijeme:
Radnim danom od 08:00
do 16:30m

PG: 73 88 14-3

www.izb.se
Potražite nas i na facebook-u
Islamska zajednica Bošnjaka u
Švedskoj

**UVODNIK**

Nakon što smo u prošlom broju Biltena pisali o glavnom imamu Medžlisa Srebrenica, u ovom pišemo o još jednom imamu koji nas je zijaretio. Radi se Sadržim-ef. Mustafiću, trebinjskom imamu, koji je ovih dana boravio u posjeti svojim Trebinjcima u Danskoj i Švedskoj.

O ovoj posjeti pišemo u posebnom tekstu, a ovdje bi željeli istaći dva momenta.

Želimo ukazati na značaj ovih posjeta iz Bosne i Hercegovine, jer je to jedini način da se našem narodu pokaže da nije zaboravljen, da ima neko u Domovini ko misli i brine o njima.

Ova posjeta pokazala je još nešto što nije baš kod nas uobičajeno, a iz čega se, također, može učiti. Sadržim-ef. nastavlja nešto lijepo što je njegov prethodnik otpočeo, bez kompleksa, sujete i, što je najvažnije, bez omalovažavanja onog što je prije urađeno. Treba nam toga.

Idriz-ef. Karaman

Sjednica**Održana sjednica Izvršnog odbora IZBUŠ****Promocije****Promocije izvanredne knjige****Aktuelnosti****Posjeta trebinjskog imama****Sadržim-ef. Mustafića****Hutba****Na koja vrata džennetska se nadaš ući?**

www.bemuf.org

www.bir.ba

UŽIVO

Sarajevo, Travnik 96.5 MHz | Zenica 87.7 MHz | Tuzla, Srebrenik 95.4 MHz | Stolac 88.7 MHz
Fojnica 90.7 MHz | Bužim 98.1 MHz | Foča 101.7 MHz | Višegrad, Gorazde 95.9MHz

U JÖNKÖPINGU ODRŽANA SJEDNICA IZVRŠNOG ODBORA IZBUŠ



Arhiv

U subotu, 18. februara 2017. godine, u Jönköpingu je održana sjednica Izvršnog odbora Islamske zajednice Bošnjaka u Švedskoj. U prvom dijelu sjednice prezentirani su izvještaji za protekli period, u kojem su dominirale aktivnosti u saradnji sa NBV i Bemuf.

U drugom dijelu, s obzirom da je ovo bila posljednja sjednica pred predstojeću Skupštinu, usvojen je radni skupštinski materijal, koji će se poslati džematima, te dogovorene druge pojedinosti oko njene pripreme i održavanja.

PROMOCIJE IZVANREDNE KNJIGE



Ovih dana u nekoliko naših džamata održana je promocija jedne veoma vrijedne knjige. Radi se o knjizi dr. Husejina Omerovića „Žrtve genocida na području Vlasenice 1992.-1995.“

Ova knjiga plod je višegodišnjeg istraživanja stradanja, prije svega, bošnjačkog, ali i stradanja drugih naroda. Izneseni su neoborivi dokazi o agresiji Srbije na Bosnu i Hercegovinu. U knjizi se nalaze faksimili originalnih dokumenata tadašnje vojne i civilne vlasti, iz kojih se sasvim jasno vidi namjera i plan agresije, kao i djela izvršenog genocida.

Osim toga, imenom i prezimenom, pobrojane su žrtve genocida.

Posebna vrijednost knjige je istraživanje i žrtava u srpskom narodu. Naravno, najveći broj staradalih su vojnici RS i opet se radi o imenima i prezimenima. Dakle, sve je moguće provjeriti, a koliko je autor ovom poslu prišao ozbiljno i stručno, govori podatak da se od pojave knjige do danas još niko nije javio da ospori bilo koji izneseni podatak.

Zanimljivo je kazati da su se promocije ovog izvanrednog djela podudarile sa podnošenjem revizije na presudu Tribunala u Hagu o odgovornosti Srbije za genocid u Srebrenici.

Recimo, na kraju, da su promocije održane u džematima: Halmstad, Malmö, Helsingborg, Trelleborg i Landskrona.

U ŠVEDSKOJ I DANSKOJ BORAVIO TREBINJSKI IMAM SADMIR-EF. MUSTAFIĆ

Krajem februara u Švedskoj i Danskoj boravio je trebinjski imam Sadmira ef. Mustafić. Nastavak je to lijepe prakse njegovog prethodnika Husein ef. Hodžića da tokom godine posjeti svoje Trebinjce u njihovim trenutnim prebivalištima.

Sadmira ef. je posjetio nekoliko gradova u Danskoj, a u Švedskoj je boravio u džematima Malmö i Göteborg. Posjeta je iskorištena za obraćanje svim džematlijama, bez obzira odakle dolaze, a nakon toga je upriličen poseban sastanak sa Trebinjcima.

U svom obraćanju Sadmira ef. je iskoristio priliku da pohvali sve dobro što je do sada urađeno u ovom prelijepom hercegovačkom gradu, te predstavi planove za buduće projekte i aktivnosti.

Bilo je ovo veoma ugodno i korisno druženje, na čijem primjeru bi mogli učiti i ostali medžlisi u BiH.

I.K.





Hutba - na koja vrata džennetska se nadaš ući?

Hvala Allahu, Gospodaru svih svjetova, neka je selam i spas na Allahovog Poslanika i našeg učitelja Muhammeda, a.s., njegovu časnu porodicu, ashabe i sve one koji vjeru u srcu budu nosili do Sudnjeg dana.

Draga braćo u dini islamu, poznato nam je, i to je dio naše vjere, da je naš Gospodar, kao nagradu za vjerovanje, trud i činjenja dobra, vjernicima Džennete obećao u kojima će uživati, i u kojima će vječno ostati. Riječ Džennet u slobodnom prijevodu znači bašta, bogata, plodna sa izvorima vode u kojoj se čovjek osjeća ugodno. Mi još na ovom svijetu osjećamo potrebu za takvim mjestima, koja nas svojim mirom, šarenilom boja, mirisom behara i plodova, odmaraju i opuštaju. Pa tako onaj koji ima svoju baštu, koju sredi po svome ukusu, on je ogradi i zaštiti od svega onoga što bi moglo da poremeti red i ljepotu u njoj, uvijek ostavi ulaz na koju stavi kapiju.

Gospodar naš je isto tako stavio kapije na Džennete svoje i to njih osam, pa nam je kazao da će vjernici biti prozivani i pozivani sa kapija džennetskih, riječima "Uđite u bašte spokojni".

Obavjestio nas je Gospodar naš da će svaka kapija ili ulaz u Džennete biti za određenu grupu ljudi, onih koji su kod sebe imali određena dobra djela ili lijepe osobine, neki će sretnici biti pozvani da uđu na jedna, neki sretnici na dvojica ili više..., a bit će i onih koji će biti pozvani da uđu na svih 8 vrata Dženneta, kao što je ashab Ebu Bekr, r.a.

Draga braćo, postavljam pitanje sebi i vama, razmišljamo li o tome ili jesmo li dovoljno svjesni, da naša vjera i odnos prema Božijim odredbama, naš trud na ovome svijetu itekako određuje da li će, i sa kojih vrata Dženneta će naše ime biti pozvano, onda kada se sa čak milijardama drugih budemo stiskali i na prstima se podizali ne bi li svoje ime čuli.

Primjetit ćete dok budemo nabrajali nazive džennetskih vrata da se radi o djelima koje svakako treba da ima vjernik kod sebe, ali ovdje se radi o tome da se ističeš u činjenju određenih ibadeta ili hajrata-dobrih djela, u odnosu na druge ljude oko sebe.

1. Prva vrata su vrata namaza, tj. onih koji budu redovno i predano obavljali svoj namaz. Složit ćete se da nam itekako treba ozbiljnog preispitivanja da li i koliko muslimana redovno obavlja namaz. Malo je srcu teško privatiti da po nekim ispitivanjima tek mali broj obavlja svih 5 vakata namaza, a tek koliko treba skrušenosti i predanosti namazu kod onih koji već klanjaju.
2. Druga vrata Dženneta rezervisana su za one koji se životima i imecima svojim bore na Božijem putu, na putu pravde, dostojanstva i napretka ummeta. To su oni koji su sve ono što imaju podredili potpomaganju vjere Allahove, takvi bit će pozvani na vrata onih koji su se borili na Božijem putu.
3. Treća vrata su rezervisana za postače, one koji se radi Božijeg zadovoljstva budu odricali uživanja ovoga svijeta, i onda kada je prevruće i predugo, kao i onda kada je umjereno i lahko. Ko bude postio ramazan, ali i van njega dobrovoljne dane posta i brinuo o svom postu, bit će pozvan na vrata koja se zovu "Rejjan".



4. Četvrta vrata su za one koji vole pomagati, sadaku davati, ljudima teškoće ovodunjalučke olakšavati, one koji brigu za siromahe i najnemoćnije među nama uzmu kao svoju svakodnevicu. Najimućniji među nama bi trebali biti i najdarežljiviji, kojima nije teško za ljubav Božiju svoj imetak dijeliti. Takvi sretnici bit će pozvani na vrata sadake.

5. Peta vrata su za one koji iman ili vjeru svoju dovedu iznad vjere prosječnog. To su oni koji imaju osobine koje su Kur'anom opisane, koje pravog i čestitog vjernika krase, imeđu ostalog, takve ljude krase jako uvjerenje o Božijem određenju, oslanjanje na Allaha, zahvalnost Allahu na svemu, savladavanje srdžbe i praštanje ljudima. Takvi će na vrata imana pozvani biti.

6. U predaji se prenosi da će na šesta vrata ući onaj koji bude govorio: ” La havle ve la kuvvete illa billah- snaga i moć sva je sa Allahom”, tj. onaj ko to bude govorio i tako u srcu osjećao.

7. Sedma vrata su vrata za one koji budu svoje roditelje poštovali, cijenili i poslušni im bili. Jednom učenjaku iz prošlosti preselila na Ahiret majka pa on pored mezara njenog počeo da plače, pa ga učenici njegovi savjetuju i govore mu da je njegova majka bila izuzetno čestita i dobra vjernica da uz Božiju milost nema potrebe da plače za njom. A on im odgovara: ”Ne plačem ja što se mnogo brinem za nju, nego plačem što su mi se upravo zatvorila jedna vrata Dženneta. Zato, u odnosu prema svojim roditeljima, dobro brigu povedimo.

8. Osmo vrata Dženneta su za one koji se mnogo svome Gospodaru kaju, koji su svjesni svojih pogrešaka, koji ne dozvoljavaju da ih šejtan odgovara od pokajanja za svoje loše postupke za tamo neke stare dane ili nekad kasnije, nego čim pogriješe ili osjete kod sebe nešto što ne bi trebao kao vjernik osjećati, oni odmah traže načina kako da se povrate, kako da stvari isprave, tj. kako da im Gospodar što prije oprost.

Draga braćo, pokajmo se Gospodaru iskreno, Gospodar je onaj koji voli one koji se kaju i On je Onaj koji mnogo oprašta.

Draga braćo, ako doista želimo ući u Džennet, on ima svoja vrata, a mi se potrudimo da ih otvorimo. Razmislimo i pronađimo koja su vrata na koja bi svako od nas želio ući, i onda u tome budimo ustrajni i neka nam je vazda na umu da kad jednom uđemo, ako Bog da, više izlaska nema, već je to vječno uživanje u ljepotama Dženneta, a za to se doista vrijedi potruditi.

Molim Allaha, dž.š, da nas pomogne na tome putu i da nam olakša da tokom života na ovome svijetu iskusimo ključ bar jednih vrata džennetskih, Amin ja Rabbe-l-alemin!

Hatib: Hasan-ef. Jašarević, džemat Malmö





BILTEN



imam*ba*

ISLAMSKI PORTAL ZA SVE VAS!

www.imam.ba



POZIV NA SARADNJU

Oglasite se i Vi u Biltenu IZB u Švedskoj!

Javite nam se sa vašim tekstom, prijedlogom, primjedbom i sugestijom.

e-mail: bilten@izb.se

BILTEN

Informativne novine

**Islamske zajednice
Bošnjaka u Švedskoj**

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Hasan-ef. Jašarević
Fuad-ef. Čolić
Elvedin-ef. Bešlija

Stari brojevi/arhiva:

[www.izb.se/index.php/
bilten](http://www.izb.se/index.php/bilten)